

***Chanjman nan sistèm pou pran randevou,
pou peye epi resevwa dokiman pou moun kap fè demand viza***

- Jou kap 11 oktòb 2014- la, Anbasad amerikèn nan Pòtoprens, Ayiti, pral itilize yon nouvo sistèm. Sa pral chanje fason moun pran randevou viza, peye ak resevwa dokiman.
- Yo déjà ap itilize sistèm sila-a nan tout anbasad amerikèn ki nan lòt peyi. Li pi senp epi li pi fasil pou itilize.
- Kondisyon pou konsila-a bay viza touris ak viza rezidans pap chanje.
- Apati jou kap 11 oktòb 2014-la, tout moun kap mande viza dwe ale sou sit entènèt www.ustraveldocs.com pou sèvis sila yo:
 - ✓ Pou pran randevou pou yon entèvyou nan Anbasad amerikèn an Ayiti
 - ✓ Pou jwenn fòm aplikasyon viza-a, ak eksplikasyon sou fason pou ranpli fòm sila-a
 - ✓ Pou jwenn enfòmasyon sou dokiman ak eksplikasyon sou foto nap bezwen pou aplikasyon yo
 - ✓ Pou konnen kijan pou peye frè aplikasyon viza-a
 - ✓ Pou jwenn enfòmasyon enpòtan sou Anbasad amerikèn an Ayiti.

Avantaj sistèm sila-a:

- Sant apèl sou kesyon viza yo pral bay sèvis gratis
 - Apati 11 oktòb 2014, sant apèl pou jwenn enfòmasyon sou viza pral bay sèvis gratis
 - Sant apèl-la ap kapab reponn pakèt kesyon sou tout kategori viza, bay eksplikasyon sou kalite viza yo, kondisyon yo mande ak enfòmasyon sou kijan pou pran randevou.
 - Nimewo telefòn ki te konn itilize pou kontakte sant apèl-la nan peyi Dayiti osinon Ozetazini pral chanje. Nap bay nouvo nimewo yo touswit anvan tranzisyon-an.
- **Pral gen plis kote pou peye frè pou randevou viza**
 - Kote nou te konn al peye pou viza touris yo pral chanje. Aprè jou kap 11 oktòb 2014-la, tout moun ki vle fè demand viza dwe ale sou nouvo sit entènèt-la pou enprime yon fich depo ke yap prezante nan nenpòt gichè SOGEXPRESS (Filyal Gwoup Sogebank) pou yo peye frè aplikasyon viza yo.
 - Ak chanjman sila-a, vin gen 58 kote pou peye frè viza nan peyi Dayiti.
- **Ou pap bezwen peye pou pran paspò ak lòt dokiman**
 - Tout moun ki peye frè viza yo aprè jou kap 11 oktòb 2014-la pap bezwen peye pou resevwa paspò yo.
 - Moun ki te peye frè viza yo anvan dat sila-a ap oblige peye pou resevwa paspò yo.

Enfòmasyon enpòtan pou moun kap fè demand viza touris:

- Pandan peryòd chanjman sila-a (sòti 25 septanm pou rive 11 oktòb 2014), moun ki te déjà peye frè viza touris yo nan SOGEBANK dwe al pran randevou san pèdi tan sou sit entènèt sila a <http://evisaforms.state.gov/Scheduling-System.asp> paske yo pap ka itilize sit sila-a aprè 11 oktòb. Aprè 11 oktòb 2014, sit sila-a ap bloke epi moun pap kapab pran randevou sou li ankò. Ou pap kapab itilize ansyen fich ou te peye SOGEBANK pou pran randevou sou nouvo sit-la.
- Si gen moun ki pokò al peye epi ki ta renmen pran randevou viza touris pou mwa desanm osinon pou yon dat aprè mwa desanm; nap mande yo pou yo fè yon ti tann. Yap kapab fè sa-a aprè jou kap 11 oktòb 2014-la pou yo ka itilize nouvo sistèm lan. Anbasad-la ap konsidere kèk ka, men randevou pou mwa desanm ak nan dat aprè mwa desanm ap disponib pou moun ki itilize nouvo sistèm lan sèlman.